

## SKEDULERINGSSTATUS S1

### **WORMSTOP® 500 (TABLETTE)**

(Mebendasool)

Suikervry, kunsmatig versoet: natriumsakkarat 10 mg/tablet

**Lees hierdie hele blad noukeurig deur omdat dit belangrike inligting vir u bevat.**

WORMSTOP® 500 is sonder 'n dokter se voorskrif vir u beskikbaar om 'n matige siekte te behandel. U moet WORMSTOP® 500 nogtans versigtig gebruik om die beste resultate daaruit te verkry.

Hou hierdie blad. Dit mag nodig wees dat u dit weer moet lees.

Moenie WORMSTOP® 500 vir enigiemand anders gee nie.

Vra vir u gesondheidsorgverskaffer of apteker as u nog inligting of raad nodig het.

U moet 'n dokter konsulteer as u simptome vererger of nie verbeter nie.

#### **Wat in hierdie blad is**

1. Wat WORMSTOP® 500 is en waarvoor dit gebruik word
2. Wat u moet weet voordat u WORMSTOP® 500 drink
3. Hoe om WORMSTOP® 500 te drink
4. Moontlike nuwe-effekte
5. Hoe om WORMSTOP® 500 te bêre
6. Inhoud van die pak en ander inligting

#### **1. Wat WORMSTOP® 500 is en waarvoor dit gebruik word**

Die naam van u medisyne is WORMSTOP® 500.

WORMSTOP® 500 bevat 'n middel genaamd mebendasool. Dit is een van 'n groep medisyne wat antihelmintika genoem word.

WORMSTOP® 500 word gebruik om wurminfeksies van die ingewande te behandel soos:

- draadwurms (naaldwurms)

- ander algemene wurminfeksies (soos sweepwurm, rondewurm, haakwurm)

Hierdie medisyne is vir gebruik deur volwassenes en kinders ouer as 1 jaar.

U of u kind is aangeraai om WORMSTOP® 500 te drink omdat u 'n wurminfeksie het. Wurms kan enigiemand besmet. Dit beteken nie noodwendig dat u higiëne swak is nie.

## **2. Wat u moet weet voordat u WORMSTOP® 500 drink**

### **Moenie WORMSTOP® 500 drink nie:**

- as u hipersensitief (allergies) vir mebendasool of vir enige van die ander bestanddele van WORMSTOP® 500 (gelys in afdeling 6) is.
- as 'n kind jonger as 1 jaar is.
- as u swanger is.
- as u metronidasool vir sekere infeksies drink.

### **Waarskuwings en voorsorgmaatreëls**

Wees besonder versigtig met WORMSTOP® 500:

- as u inflammasie van die lewer het.
- as u veranderinge in lewerensieme het (in bloedtoetse gesien).
- as u inflammasie van die niere het.
- as u 'n daling in die aantal witbloedselle het (in bloedtoetse gesien). U kan nog infeksies kry.
- as u kind konvulsies (stuipe) het. WORMSTOP® 500 moet slegs aan kinders jonger as 1 jaar gegee word as u dokter dit spesifiek voorgeskryf het.

## **Ander medisyne en WORMSTOP® 500**

Sê altyd vir u gesondheidsorgverskaffer as u enige ander medisyne gebruik (waaronder aanvullende of tradisionele medisyne).

As u WORMSTOP® 500 drink, moet u nie die volgende medisyne gebruik nie:

- Metronidasool - vir sekere infeksies
- Simetidien - vir oortollige maagsuur

Vra vir u dokter om advies voordat u enige medisyne gebruik.

## **Swangerskap en borsvoeding**

As u swanger is of borsvoed, dink dat u dalk swanger kan wees of beplan om 'n baba te hê, moet u u dokter, apteker of ander gesondheidspraktisyn om advies raadpleeg voordat u hierdie medisyne gebruik.

Vra vir u dokter of apteker as u borsvoed.

## **Motorbestuur en gebruik van masjinerie**

Hierdie medisyne sal waarskynlik nie 'n invloed hê op u vermoë om 'n voertuig te bestuur of gereedskap of masjiene te gebruik nie.

## **3. Hoe om WORMSTOP® 500 te drink**

Moenie medisyne wat vir u voorgeskryf is vir enige ander persoon gee nie.

Gebruik WORMSTOP® 500 altyd presies soos wat in hierdie blad beskryf word of soos wat u dokter of apteker vir u gesê het. Raadpleeg u dokter, apteker of verpleegkundige as u nie seker is nie.

Die gewone dosis is:

**Sweepwurm, haakwurm, groot rondewurm, naaldwurm:**

Volwassenes en kinders ouer as 1 jaar: een tablet (500 mg) as 'n enkele dosis. Die tablette kan fyngemaak word en saam met 'n bietjie vloeistof vir kinders gegee word.

**WORMSTOP® 500** word selfs deur kinders maklik aanvaar. Die tablet kan fyngemaak word en met 'n bietjie vloeistof gegee word.

**As u meer WORMSTOP® 500 gedrink het as wat u moes**

Raadpleeg u dokter of apteker in geval van oordosering. As nie een beskikbaar is nie, kontak die naaste hospitaal of gifsentrum.

**As u vergeet om WORMSTOP® 500 te drink**

- Moenie die oorgeslane dosis drink nie.
- Drink u volgende dosis op die gewone tyd, en hou dan aan om u medisyne te drink soos wat u dokter vir u gesê het.
- Moenie 'n dubbele dosis drink om vir 'n vergete dosis op te maak nie.

**As u ophou om WORMSTOP® 500 te drink**

Moenie ophou om u medisyne te drink sonder om u dokter te raadpleeg nie.

**4. Moontlike newe-effekte**

WORMSTOP® 500 kan newe-effekte veroorsaak.

Nie al die newe-effekte wat vir WORMSTOP® 500 aangemeld is, is in hierdie blad opgeneem nie.

As u algemene gesondheidstoestand versleg of as u enige newe-effekte ervaar terwyl u WORMSTOP® 500 gebruik, moet u u gesondheidsorgverskaffer asseblief om advies raadpleeg.

As enige van die volgende voorkom, moet u ophou om WORMSTOP® 500 te drink en dadelik vir u dokter sê of na die ongevalle-afdeling van u naaste hospitaal gaan:

- Skielike swelling van u gesig of keel. Galbulte (ook bekend as brandneteluitslag of urtikarie), erge irritasie, rooi of blase op die vel. Dit kan tekens van 'n erge allergiese reaksie wees.
- Afdop van u vel, mond, oë en geslagsdele
- Toevalle (stuiptrekkings)

Hierdie is almal baie ernstige newe-effekte. As u dit ervaar, kan dit wees dat u 'n ernstige reaksie op WORMSTOP® 500 het. Dit mag wees dat u dringende mediese aandag of hospitalisasie nodig het.

Sê dadelik vir u dokter of gaan na die ongevalle-afdeling van u naaste hospitaal as u enige van die volgende opmerk:

- Palpitاسies
- Vinniger hartklop

Hierdie is almal ernstige newe-effekte. Dit mag wees dat u dringende mediese aandag nodig het.

Sê vir u dokter as u enige van die volgende opmerk:

Newe-effekte wat dikwels voorkom:

- Maagpyn

Newe-effekte wat minder dikwels voorkom:

- Maagongemak
- Diarree
- Winde
- Mislikheid (naarheid) of braking (opbring)
- Veluitslag
- Inflammasie van die lewer
- Veranderinge in lewerensieme (in bloedtoetse gesien)
- Inflammasie van die niere
- Vermindering in witbloedselle (in bloedtoetse gesien). U kan nog infeksies kry.

- Ongewone haarverlies
- Duiseligheid

As u enige newe-effekte opmerk wat nie in hierdie blad genoem word nie, moet u u dokter of apteker asseblief in kennis stel.

### **Aanmeld van newe-effekte**

Praat met u dokter, apteker of verpleegkundige as u newe-effekte kry. U kan newe-effekte ook by SAROGP (“SAHPRA”) aanmeld *via* die vorm vir die aanmeld van nadelige geneesmiddelreaksies, naamlik “**6.04 Ad verse Drag Reaction Reporting Form**” wat aanlyn by SAHPRA se publikasies gekry kan word: <https://www.sahpra.org.za/Publications/Index/8>. Deur newe-effekte aan te meld, kan u help om meer inligting oor die veiligheid van WORMSTOP® 500 te gee.

### **5. Hoe om WORMSTOP® 500 te bêre**

- Hou alle medisyne buite bereik van kinders.
- Hierdie medisyne moet nie na die vervaldatum op die karton en stulpstrook gebruik word nie. Die vervaldatum verwys na die laaste dag van daardie maand.
- Bêre by of onder 25 °C.
- Hou die stulpstrook in die buitenste karton om dit teen lig te beskerm.
- Moenie enige medisyne in dreineringsstelsels of huishoudelike afval weggooi nie. Vra vir u apteker hoe om medisyne wat nie meer gebruik nie weg te gooi. Hierdie maatreëls sal help om die omgewing te bewaar.

### **6. Inhoud van die pak en ander inligting**

#### **Wat WORMSTOP® 500 bevat**

Die aktiewe bestanddeel is mebendasool.

Die ander bestanddele is kalsiumwaterstoffosfaat, kleur Sunset Yellow FCF-kleurseel (CI15985), lemoengeurseel DC-116 PH, gelatien, magnesiumstearaat, mieliestysel, gesuiwerde talk, natriumkarboksimeetiellulose, natriumlourielsulfaat, sakkarien, vanillien.

**Hoe WORMSTOP® 500 lyk en die inhoud van die pak**

Ligoranjekleurige, lemoengegeurde, gladde, kapsulevormige bikonvekse onbedekte tablette.

Kartonne wat een stulpstrook met 1 tablet, 20 stulpstroke met 1 tablet bevat.

**Houer van die registrasiesertifikaat**

Ranbaxy Pharmaceuticals (Pty) Ltd

Lautreweg 14

Stormill, Uitbr. 1

Roodepoort, 1724

Suid-Afrika

**Hierdie blad is laas hersien in**

24 Augustus 2022

**REGISTRASIENOMMER(S)**

31/12/0527 (S.A.)

|     |                        |
|-----|------------------------|
| S2  | Bot 0500777 (Botswana) |
| NS2 | 04/12/1633 (Namibië)   |